

Eshiechesio: Willem de Vink

YESU MESIA

OMUNDU WUKALUKHASIANGA ESHIBALA

YESU MESIA Willem de Vink




SHINA NISHIO...



Ebanjeli: Ni visaga vyotte vijure ambavyo Mu ebanjeli onyala wasooma khuli Were alenjeranga abandu ne khuli amenyanga nende abandu.

Elimenya lia eyinziayo: Elimenya nende Yesu khuli Were yenya. Likuuranga elifwa khandi libula olumalirishi (p.23,29-30 nende 59).




Elipasaka: Ni omwikhoyero kwa okhwikhoyera elisumumukha lia Yesu. Abayahuti bekhoyeranga Elipasaka mu etsindaalo tsindala (p.38-54).



Elisaala: Olakaya khu Were, ni olinya nombamba mu okhuwatsa ni omuhulira niye (p.18,19,42).

Elisumumukha: Yesu yasumumukha okhurula mu abafu. Eyindaalo yindala buli omundu alasumumukha okhurula mu abafu. Mani Were alakhalachirwa buli omundu (p.53-57).



Elisuubira: Okhusuubira Were okhukhola shia yalaka (p.58).

Etsikhabi: Ofundu fwoosi ofulayi fwa Were alenyanga okhuheresia abandu bakholanga shia yenya.



Eyingeloosi: Omurumwa wa Were wukhalolekha ta (p.5).

Mesia: Omwami wabakhwa amafura. Mesia (elikhuuba lia Oluhipurania) liakalukhasiwa mu Olukiriki bari Kurisito (p.52,55).



Obubeeri/obulesheri: Ne mambo hakaya hukahenda kinyume nWere aberanga, nabutswa abulaho wutukhaane. Were aberanga kaaba bari wikanire obwoni khandi olenyanga okhukalukhana. Obubeeri bwanyolekha shichira Yesu yanyoola eshinyaasio shioosi shia efwe khwenyeshe okhunyo (p.58).

Obusanji: Abalondi ba Yesu betsulira elifwa nende elisumumukha nende omukaati nende etibai (p.41).

Obwami bwa Were: Obwami bwa Were bubeere wa abandu bamuritsanga.

Obwoni: Amakhuuba ka khukholanga kayingasianga elienya lia Were khandi kakhushinganga okhuula omupango kwa Were khu efwe (p.4).

Okhukalukha: Buli eshindu shilalombwa eshiya lwa Yesu alakalukha khu eshialo. Elikulu nende eshialo fulakalukhasiwa nende Were (p.57).

Omusalapa: Eshimanulwa shia eminyakhaano shia Yesu yafwira mu okhwenya khuukhwe. Shiakhaba eshimanyiro shia abalondi boosi ba Yesu (p.25,50).

Omwana wa Were: Eliira lia Yesu. Yali Were wetsa khu eshialo khuli omundu, khuli Omwana wa Were.

Omwechi: Omulondi wa Yesu (p.18).

Roho Omutakatifu: Roho wa Were wulenyanga okhumenya mu abandu balondanga Yesu (p.58).

Shetani: Omusuku wa Were nende abandu (amanyikha khandi khuli Omumayaanu).

Yesu: Eliira lia Omana wa Were, liechesia liri, 'Were ahonianga'.



ESHIKHA SHIA YESU

Eshikha shiefu shichaaka nende elibulwa lia Yesu. Abandu bachendanga khu ofulenje nomba khu esishiri,eyingamia nomba efarasi. Etsimbeka etsinyinji ofubala fwa elwanyi tsiarukwangwa nende Abaroma. Abandu abanyinji sibanyalanga okhusooma nomba okhunying'inya ta, nilali Abayahuti mu Isiraeli banyalanga. Balangangwa bari 'abandu ba Eshitabu'.

Were alakaya mu eshitabu, Ebanjeli. Wubeere omulombi wa ofundu fwoosi fuliho khandi alenyanga okhuba omulina wa abandu boosi. Yesu yechesia kano abulafu.


YESU MESIA NI WINA?

Yesu yamenya awundi emiyika chibura 2000 mu Isiraeli. Khumulanganga 'Yesu Mesia' nomba 'Yesu Kurisito'. Liechesia liri wubeere Omwami. Nilali, si ali Omwami butswa ta. Yesu alangwa Omwana wa Were khandi Omwana wa Omundu. Lino liechesia liri ni wa Were khandi omundu. Elimenyala lia Yesu libeere mu Ebanjeli. Libeere elikhongo buli khase.





ISIRAEI ESHIKHA SHIA YESU



Olukoba olukali: Yerusalem

Etsingongo: Kalilaya, Samaria, Yutea.

Obukali: awundi ofukhumira 28,000km


Khuli eshibala shifwaana: tropiki enusu

Esiasa: Okhurula omuyika kwa 63 Kurisito ni ashiri okhwitsa Abaisiraeli barukwangwa nende Abaroma.

Eserikali: Kafuna wa Roma bari Pontiasi Pilato aruka mu Isiraeli. Tiperio, Kaisari wa Roma, amuruka.

Etini: Obuyahuti. Abayahuti babeere nende elitemberi mu Yerusalem. Abasaaliisi babeereho balakholanga emilimo lukano chia etini nende abechitsi (khuli Abafarisayo) benyekha okhulachirisia abandu okhurula mu Ebanjeli.

Etsindomondomo: Oluhiprania (olulomolomo lwa Abayahuti), Olukiriki (olulomolomo lwa eshibala shioosi), Olulatini (olulomolomo lwa Abarumi).



Shichira shina abandu abanyinji balebunjeresianga amuchera?



Mwikhale meeso!
Obwami bwa Were
buletsanga!



Chaache elimenya eliiya!



Si onyala werukha Were ta. Eyaywa yiiye ya elikhalaka yibeere khu eshisina shia emisaala khale.



Buli omusaala kukhaama amatunda amalayi kulakhalakwa ne kusukunwe mu omuliro.




Recheresia khwako. Si khutuukhane ta?

Abulaho wunyala webatsa elikhalaka lia Were. Nabutswa ninakharulao, omundu aletsanga wunyala wakalukhasia obulamu bwenyu muno. Alamuhonia.



Mulenyanga elimenya lienyu okhuba lukano? Mwiame obwoni bwenyu ne mwtse mu amatsi kano mupatiiswe.





Bulaano mwakhatakaswa okhurulana nende obwoni bwenyu okhuchaaka elimenya eliiya.

Buli omundu alanganga omwirwatsi wulia wuli amuchera bari Yohana Omupatiisi...

Si kali khwisie ta. Ndalombanga eyinjira khu wulia wuletsa okhukhwechesia shia Were alenyanga. Alamupatiisa mu omuliro kwa Roho wa Were. Okhupatiiswa khulia khulamukalukhasia mu obwitsule.



Ne mani...



Kenyekha embatiiswe ninaawe!



Ewe khola butswa orio. Mani khulaba khulakholanga shia Were yenyha.




Paapa, obwami buubwo bwitse ne obulaaliri buubwo bukholeshe!



Matindibikha, omwoyo okhurula mwikulu kwasunga...

Yii! Wubeere Omwana wanje omuyanze! Ne nayanziitswa ninaawe!



Yohana Omupatiisi arechekha abandu ba Isiraeli khulwa okhwitsa khwa Mesia. Mu eshikha shino, Abaroma baruka eshitonye eshikali shia eshibala. Isiraeli ni eshitonye eshitiiti butswa shia obwami obukhongo bwa Roma...




Abayahuti bekomba Mesia yetse. Mu ofutabu fwabo fwa khale, okhwitsa khuukhwe khwaroobwa nende abaroori. Alalomba Isiraeli okhuba eyikhongo.



Amuchera wa Yoritani, Yohana arumbula Yesu khuli eshimeme shia omusango...

Lenjera! Niye eshimeme shia Were wurusianga obwoni bwa eshibala!



Yesu niyakhamala okhupatiiswa, Roho wa Were wamuyira mu eshitiimi...

Yamenyayo mu etsindaalo amakhumi kanne eshiro nende eshiteere. Nali eweneyo siyaliakho ta. Yasaala nende okhwiyimana eshiakhulia kho amanye obulayi emilimo chiichie ni shina.



Yesu kenyekha akhole elienya lia Were. Were alenyanga abandu balekhuulwe okhurulana nende elihenda lia okhukhalachirwa nende elifwa...

Yesu acheritswa nende Shetani, omuruchi wa eshirima wukhalolekha ta, Wurukanga eshibala khu elifwa nende obumayaanu.



Yii Paapa! Ndenyanga okhukhola shia wenya!



Nabutswa Shetani omuyingasi wuwe, alakhaakanga okhweresia Yesu etsinganakani tsia okhumutifia okhulekha okhukhola shia Were yenyena.

Kaaba bari toto wubeere Omwana wa Were, kho kalukhasia amachina kano kabe omukaati!

Tawe! Lianying'inywa mu eshitabu shia Were: "Omundu si amenyanga mu omukaati kwenyene ta. Omundu amenyanga mu buli elikhuuba lia Were asunga".

Kaaba bari toto ewe ni Omwana wa Were, yechesia! Ruma okhurula mu eshisuuli shia elitembeli. Si kanying'inywa bari etsingeelesi tsilakhukamula?

Lenjera! Ndakhweresia etsingulu tsioosi mu eshialo. Nabutswa kenyekha wusikamire khandi wunzinamire mbere.


Kano nikakhabura Shetani yalakha Yesu yenyene mu eshikha shienesho. Etsingeloosi tsietsa okhuyinzirira Yesu...

Tawe! Kanying'inywa kari: "Okhacheritsa Were ta. "


Ndeshe Shetani! Shichira kanying'inywa kari: "Were yenyene niye wa okhwina nende okhuyinzirira. "

Yesu akalukha mu olukongo lwa Kalilaya wa yarula. Wetsulwa nende Roho wa Were. Lwa yachenda, abandu bachenda ninaye. Bali bereebanga kaaba bari Yesu niye Mesia wa abarooi banying'inya khuye...

Omwikhoyero kwa eshiserero kulakholekhanga mu olukoba lwa Kana mu ofukulu fwa olukongo lwa Kalilaya...



Yesu yesi wubeere mu omwikhoyero, nende maama wuwe nende balala khu abalina baabe...





Nabutswa akari wa omwikhoyero...

Obutinyu shina, wale etibai yiwere!

Khole butswa shiosishiosi shia Yesu alamusunjira!



Yitsusie etsisongo etsingali tsino nende amatsi mani mweresia omwimiriri wa omwikhoyero akonyererekho?



Aaah! Yino siyili etibai ta? Khandi etibai eyinulu ya makana. Etibai eyindayi!



Konyakho yino! Obishire etibai eyindayi khunywe mu okhumalirikha.



?



Wale! Omwikhoyero shina kuno! Eshiserero shina shino! Amatsi kakalukhana okhuba etibai! Khandi etibayi eyinulu!

Yesu wa okhurula Nasareti wukholire kano!

Koo! Ni wina niye?


Kaperinaumu yibeere eshirechero shilakaliyanga mu okhuloba mu eyinyanza ya Kalilaya. Hano Yesu achaaka okhulakaya abulafu khu obwami Were.



Ne hano niwo wa yarobola abeechi baabe baraano...



Petero, khutsie mu eshitungu ne muree etsikhanda eweneyo.



Omukhongo, khuyinzirire mu okhulubirira eshiro shiosi ne sikhunyoolirekho eshindu ta.



Nabutswa shichira ewe wusunjire orio...



Mako! mako! mako!
Mako! Si enyala nasuubira ta!






Yakopo! Yohana! Yitse mukhukhoonye! Khushiri okhulobakho etsinyeeni etsinyinji khuli tsino ta!



Ndeshe embe Omwami! Nibeere omwoni.

Petero okharia ta.



Nonde!




Okhururila bulaano, olaba omulobi wa abandu.




Yesu achenda nende abeechi baabe ematioli yoosi ya Isiraeli. Alasunjiranga buli omundu ari obwami bwa Were buletsanga. Amakhuuba kaache kabeere nende etsingulu nende eshirenda. Ahonianga abalwale khandi alekhuulanga abandu bali nibalakhupisiwanga eshibi shichira ya okhuba nende tsingulu tsia amatimooni.



Wakasitswa ewe lwa wikoombanga obulayi bwa Were. Olanyoola etsinyinji.



Wakasitswa ewe wuli nende eshibeere. Olahotseresiwa.



Mubeere nende etsikhabi enywe ba abandu bamubiyiranga shichira mubeere abalondi banje. Sangaala mani mutsatsakhale shichira eshihanwa shienyu mwikulu ni eshikhongo.



Kholera abandi shia wenya bakhukholere ewe.



Yesiyesi wulenjera omukhasi nende elikomba lia okhuba ninaye wukholire obuheeyi ninaye mu omwoyo kuukwe.



Okhahenda khu ka mutsuli ta. Khaaba obwami bwa Were mbere nende shia alenyanga, akandi kalalondakho.



Yanze abasuku beenyu khandi mubasaalire.



Eyimoni yibeere obulafu bwa omubiri. Kaaba bari eyimoni yiyo ni eyindamu, omubiri kuukwo kulaba mu obulafu. Nabutswa kaaba bari eyimoni yiyo ni eyindwale olamenya mu eshiirima.



Khola khuli ndasunganga. Mani olaba khuli omundu wumbakhanga eyinzu yiye khu olwanda. Kaaba bari si olakhola orio ta, olaba khuli omundu wuumbakhanga khu omuyeshe.



Khola amalayi mu obwifuse, yikhaba bari muloleshe ta.



Abulaho wunyala wayinzirira abakhongo babiri ta, ni Were nombamba emiandu.



Eyindaalo yindala lwa abandu bali balebunjeresianga mu eyinzu ya Yesu yalimo mu olukoba lwa Kaperinaumu...

Sikhulanyala okhwinjira mukari omwo ta.

Kenyekha khumwinjisie nende omukeeka okhuburira khwikulu khwa eyinzu.

Anyala wasunga ario ariena?

Wale! Alachaayanga Were!

Were yenyene niye wunyala okhubeera obwoni.

Shina shili eshiangu okhusunga: 'Obwoni buubwo bubeererwe', nomba 'Sinjira ne ochende'?

Shina shilekholekh anga yikulu eweneyo?

Baleshe! Abandu benabo babeere nende elisuubira elikali.

Obwoni buubwo bubeererwe!

mesia wubeere nende obunyali okhubeera abandu obwoni. Nabutswa esunga khandi endi, Bukula omukeeka kuukwo ne ochende!




Ni shia okhuchenyamuno!

Yii! Nakhahona! Orio muno Yesu!

Omulema anyala okhuchenda!

Yesu akholanga amakhuuba amanyinji amalayi. Khandi alakayanga nende obuchesi nende obunyali.



Omundu wa omukhono kwekanya wubeere hano. Koo! Ni obulayi okhukhola eshindu khuli shino eyindaalo ya bulaano?



Kololosia omukhono kuukwo!



Orio muno! Nakhahona!



Kenyekha khwiiire Yesu!

Abemiriri mu Yerusalemu kenyekha basunjirwe bari Yesu alakoyasianga eshibala.

Omukhung'ano kwa abandu nikulatasikhanga,
Yesu yarula nende abeechi baabe ne waniina
eliaro watsia mu eyinyanza ya Kalilaya.






Woooi!Omwami!
Khukhonye!
Khuleyinikhanga!




Shichira shina
nimuhenda? Elisuubira
lienyu libeere hena?



Yesu wabuukha ne wabiyiirisia omuyaka khandi wasunjira eyimbumbuyeka, Linya! Oleera! Ne fwamuhulira.



Baboya eliaro liabo mu olukuku. Nabutswa mu ofukulu...






WUUI!
WUUI!
WUUI!

Omundu wa amatimooni kamulimo amenyanga mu ofukulu...

Ngwoyo! Wuui!

Aleetsanga!



Mmmh, Yesu!



Olanzenyangakho shina, Omwana wa Were wa Yikulu?


Muleshe abe, amatimooni amafwoolo!





Eliira lilio bari wina?


Lechoni, shichira khubeere abanyinji.

Khurume mu etsimbitsi tsili yilia.

Tsie!







Ndamusuunjiranga: Omwana si anyala wakhola ofundu yenyene ta. Akholanga butswa shia Paapa wuwe yenyakhole. Si ekhakaanga okhukhola obulaaliri bwanje ta nabutswa obulaaliri bwa Paapa wanje. Niye waanduma.

Yesu atsitsanga abundu walinya okhusaala khase.



Yesu niyakhamala okhusaala mu eshiro, yarobola abarume baabe elikhumi na etsibiri. Yabaruma babiri babiri. Yaberesia obunyali bwa okhufuura amatimooni nende okhuhonia obulwale...




Abawandaye babiri Petero nende Anderea...



Abawandaye Yakopo nende Yohana...



Filipo nende Natsanieli...




Tomasi nende Matayo
(wasololanga emirungo khu
Abaroma)...



Tatayo nende
Yakopo...



Simoni omuseloti nende
Yutasi wa okhurula
Isikarioti...



Tsie! Yesiyesi wumwinjisia,
alaba wunzinjisie esie, ne
wulia wunzinjisia esie,
yenjisianga wulia wanduma.



Lenjera! Elicheesa ni elikali, nabutswa
abayinziri ni abatiiti. Saala khu Omwami
wa elicheesa kho arume abayinziri
beetse bacheese elicheesa.



Abeechi babiri bakalukha
nibayanzire. Bali bakhakhola
shia Yesu yabasunjira. Kano
nikakhabura Yesu yenza
okhutsia ninabo abundu
abwifusi. Nabutswa
omukhung'ano sikwabalekha
ta...

Yesu atsiririra okhwiratsa nende okhuhonia abalwale. Ne eshirima shilatiiranga...

Filipo, abandu bano balanyoola bariena eshiakhulia? Shichira shina si mulaberesiangakho eshindu ta?

Khubeere nende amangondo khuli omurungo kwa emiesi munane. Si kanyala koola abandu bano ta.


Omusiani wubeere hano nende emikaati chiraano nende etsinyeeni etsibiri. Shibulaho eshindu eshindi.

Sunjira abandu bekhale mu ofupupa fwa abandu amakhumi karaano.

Yesu asanditsa Were...

Yesu watsiririra okhubwasula omukaati nende etsinyeeni...

Abandu ofukhumira baliswa
nende Yesu ni atsiririra
okhutasa eshiakhulia...



Kenyekha
khumulombe
abe omwami!



Niye mesia wa toto
walakwa khwifwe!

Lenjera! Ofukapu
elikhumi ne fubiri
fwitsule eshiakhulia
shisikaale!



Ni eshikha shia okhsubula abandu batsie eyingo.
Enywe bukula eliaro ne mutsie eyinjerekha.
Ndasikalanga hano mu ofukulu okhusaala.





Babeereho balenyanga okhulomba Yesu okhuba omwami. Babeere nende eliyichina bari balarusiaho Abaroma hasi wa oburuchi bwa Yesu. Abayingasi ba Yesu balatsiriranga okhuba abanyinji. Kakhaba bari akhonyanga abandu, abemiriri ba etini balapaaranga bari si alondanga amalako ta. Balenyanga okhusunjira abandu bakhumulonda ta khandi bamumale.



Omwami, woola hano lina?

Mulakhaabanga shichira ya omukaati kwa ndamweresia?

Nibeere omukaati kuhaananga elimenya lia eyinziayo. Ni omubiri kwanje kurusiwangwa khu obulamu bwa eshibala.

Omundu wuno anyala ariena okhukhweresia omubiri kukwe khulie?

Ka oluboyo!



Okhenda shichira ya eshiakhulia shiwetsanga ta, nabutswa khu eshiakhulia shikhawa ne shileeranga obulamu bwa eyinziayo.



Koo, enywe mwesi mulenyanga okhutsia?



Lekha khutsie!

Alabeeyanga buli omundu.



Omwami, khulatsia khu wina? Wubeere nende amakhuuba ka elimenya lia eyinziayo!



Elwanyi wa olukoba lwa Yerusalemu, abandu balerwangwa. Balabambwangwa khu omusalapa, eshinyaasio eshibi shia elifwa elibi lia abaroma.



Yesiyesi wulenyanga okhuba omulondi wanje, kenyekha yekanire omwene, achinje omusalapa kuukwe, ne yanonde.

Yesiyesi wulenyanga okhuhonia obulamu buubwe omwene, alabutufia, nabutswa yesiyesi wulatufia obulamu buubwe shichira esie, alabuhonia.



Kenyekha mumanye muri, Were ni mulala.



Elikhuuba lia obukhala libeere bari yanza Were wuwo nende omwoyo kuukwo kwoosi, nende okhuyanza abandu bandi khuli weyanza ewe omwene.



Mu Isiraeli, abandu bali nende obuchere ni abafwoolo okhulondakhana nende amalako. Bamenya benyene. Sibanyala okhutiirwa nende omundu yesiyesi ta...



Benyekha okhuwatsa nibatsia wosiwosi kho abandu bamanye khuli baleletsanga...

ABAFWOOLO!
ABAFWOOLO!



Yesu! Omwami!
Khukholere
etsimbabasi.





Tsie, mwiyechesie khu abasaaliisi!



Khutsie khu abasaaliisi? Khulenjerwe?

Mani khulahoniwa?



? !



Lenjera! Mbonire



Khuhonire!

Wale! Wale! Enyala okhuchenda!



Haleluya! Were ni omulayi! Orio muno!



Abandu elikhumi basaaliswa? Abandi balena okhusanditsa Were?



Sinjira! Elisuubira lilio silikhuhonie omubiri kwonyene ta, nabutswa lihonie eliiba lilio liosi.

Abemiriri Abayahuti mu Yerusalemu baruma abandu khu Yesu okhumukhabirisia. Si anyala okhuba omulayi butswa ta. Balenyanga okhumutiira khu eshindu kho bamusitache...

Yesu achendanga nende abandu bali nende omwima mubi. Khuli abaheeyi. Nende abasololi ba emirungo, bayinziriranga Abaroma...




Mesia wakhetsa okhuhonia bali nibatiba.

Yesu ahonia abalwale mu Elisapato eshindu shili lukano nende amalako...

Hona!



Ne wayanza abaana muno...



Lekha abaana beetse khwisi. Obwami bwa Were nibwa abandu khuli yabo.

Yesu alangwa okhutsia Betania, eshirechero shili ahambi nende Yerusalemu. Lasaro ni omwale. Niye nende abambotswa baabe, Marita nende Maria, abalina ba Yesu. Lwa Yesu yacherera mu eshirechero, yawulira ari Lasaro wayabirwa mu etsindaalo tsibura tsine...



Kaaba bari wakhabeere hano, mbotswa wanje siyakhafwire ta!



Mbotswa wuwo alasumumukha khandi, Marita.



Yii, emanyire endio. Alamenya khandi mu elisumumukha eyindaalo ya okhumalirikha.



Nibeere elisumumukha khandi obulamu. Yesiyesi wusuubira mwisie alamenya. Olasuubiranga Marita?



Yii Omwami! Esuubira endi wubeere Omuhonia walakwa okhwitsa. Omwana wa Were.



Mumuyabire hena?





Lenjere khuli yali ni yamuyanza muno.

Nabutswa siyanyala okhushinga elifwa lia Lasaro?



Rusieho elichina!

Yino abafu babowangwa mu eshitambaya ne baaliswa mu olwanda mu eying'ani...



Omwami, yilahunya. Etsindaalo tsine tsiabura khale...

Mulalola obukhumi bwa Were.



Paapa, ndakholanga kano kho abandu bamanye nisie wina.




Lasaro, yitsa elwanyi!



Mufwalule etsingubo tsia yali ni ayabirwemo ne mumuleshe atsie.

Abaruchi ba Yerusalemu
balalonderesianga Yesu
nende abalondi baabe...



Omundu oyo akholanga
amangayimwa amanyinji.

Kaaba bari khulalekha kano
katsiririre, Abaroma
balakhola eshindu.

Balahononia elitemberi
liefu nende elirambo liefu.



Paara butswa! Ni obulayi
omundu mulala okhufwa
okhubura boosi benoniwe.



Kho Yesu wuno
kenyekha yeerwe!




Omundu mulala kenyekha
afwe khulwa abandu boosi.
Niko kachira abemiriri
Abayahuti bakhaabe
obwiyangu bwa okhutiira
Yesu. Wubeere mu
oluchendo lulwe okhutsia
Yerusalemu. Balenyanga
Abaroma okhumukhalachira
elifwa...


Omwikhoyero kwali kulekholekhanga mu Petania...




Amarashi kenako nika amang'ondo amanyinji.



Maria!





Andi khukakusiye. Khwakheresiye abatakha amang'ondo.



Muleshe abe, Yutasi. Alalombanga omubiri kwanje khu eliyabira.

Omwikhoyero kwa Elipasaka kulembiyanga. Omukhung'aano kwa abandu kulatsanga mu Yerusalemu. Balaleere emisango mu elitemberi...



Mu Yerusalemu abaruchi balalombanga etolondo ya okhutiira Yesu. Kakhaba kario ashitsitsanga mu olukoba lwenolwo.



Abandu balamwinjisianga mu obusangaali.

Huuree!

Hosana!





Wubeere nende etsikhabi wulia witsa mu eliira lia Omwami!

omwami wa Isiraeli!




Yerusalemu, kaaba bari wakhamanyire butswa eyinjira ya okhunyoola omulembe. Nabutswa si wenyire ta.



Kenyekha aleshe kano!

Eshibala shioosi shilamulondangakho.

Elitemberi liri mu
olukoba lwenolwo niwo
wa okhwinamira.



Mu Elipasaka, ofumeme
fusinzwangwa...



Fusinzwangwa mu elitemberi
kho abandu bahambane
nende Were...




Nabutswa eshimeme shilena
shinyala shia leera obubeeri khu
abandu okhurulana nende
obwoni bwabo, etsisoni nende
oburi bwa elikhalaka?




Alwanyi wa elitemberi
abandu balakusianga
nende okhukalukhasia
amang'ondo...



Matindibikha, Yesu
warulira awenaho.



Eyinzu ya Were kenyekha yibe eyinzu ya amasaala. Nabutswa mwayilomba okhuba eyimbangatsi ya abeeffi.



Wuno alakhaabanga okhuba omundu mubi! Nabutswa abandu basubiranga buli elikhuuba lia asunganga.



Kenyekha khumumale!




Kenyekha khumukatirisie. Mani khunyala khwamwira.

Nabutswa si yili eyindaalo ya omwikhoyero ta. Sikhulenyanga eshiayumba mu Elipasaka ta.



Olamberesia tsianga?

Wuno niye Yutasi, mulala khu abeechi baabe.




Ndahaana Yesu khwinywe.



Khulakhweresia etsifetsa amakhumi kataru. Omurungo kwa omurukwa.




Yesu alakaya nende abandu mu elitemberi Elipasaka nilishiri okhuula. Arooba ari Yerusalemu ilakwa. Buli omundu alerukha. Nabutswa alatsiririra okhuyanza abandu. Mani sunjira Petero nende Yohana okhurechekha eshiakhulia shia Elipasaka...




Angolobe Yesu nende abeechi baabe baakanana mu olukoba.






Ndeekombanga endi endie ninanywe eshiakhulia shia Elipasaka shino ni eshiri okhunyakhaana.



Abaruchi barukanga nende eshirifu, nabutswa enywe mukhakhola murio ta.



Wuyinziriranga abandi mu obunyinji niye omwimiriri wenyu.



Nibeere mwinywe khuli omuyinziri.






Omwami, olasinga ofulenje fwanje? Tawe, si olasinga ta!

Petero kaaba bari sindasinga ofulenje fufwo ta, si oli wanje ta.



Omwami, singa khandi omurwe nende emikhono chianje.

Omundu wiisinjire yenyekha butswa okhusinga ofulenje fufwe.



Munanga muri Omwami khandi Omwechitsi, musunga murio shichira ni katoto. Khuli emusinjire ofulenje, kenyekha mukhole murio khu buli mulala.




Mulala wenyu alanzaama.


Si kanyalikha ta!

Si endi esie ta, sikali kario?



Yutasi, shia olenyanga okhukhola, shikhole bwangu!






Mukhollenje muri mu okhunzitsulira.



Lie omukaati kuno, kuli omubiri kwanje.



Nywe etibai yino, ni amabanga kanje, kahanwa okhubeerwa obwoni bwenyu. Mu eyinjira yino, Were alomba eyindakano eyimbia ninanywe.



Ndamweresianga elilako eliiya, yanzane khuli esie ndamuyanza.



Kaaba bari muyanangananga, abandu boosi balamanya bari mubeere abeechi banje.



Omwami, ndakhulonda buli abundu. Ndarusia obulamu bwanje khulwa ewe.



Petero, etaywa niyilakula, olaba wunzikanire amakhabi kataru.

Angolobe yeneyo, Yesu nende abeechi baabe barula mu elitokho. Yutasi si yalininaabo ta...

Ndamulekhanga, nabutswa Paapa alamurumira Roho Omutakatifu. Alamukhonya khandi alaba ninanywe khase.

Enywe mwamanye eyinjira ya okhutsia wa ndatsanga.

Esie nisie eyinjira, bwatoto, nende obulamu. Abulaho wunyala okhwitsa khu Paapa nakhaburire khwisie ta.

Sikala hano. Esie ndatsanga ashinao okhusaala.

Paapa, kaaba bari kanyalikha, ndusiiyewo eminyakhaano chinyo.

Nabutswa sikhuli okhulondakhana nende obulaaliri bwanje ta, nabutswa obulaaliri bubwo bwikholeshe.



Munyala okhukona mu eshikha
eshitinyu shino muriena? Buushe!
Wulanzaama wutuushire hano!



Tiira wulia wa
ndatsununa.



Oriena,
Omwechitsi!

Yutasi, olatsaamanga
Mesia khulwa
okhumutsunzuna?



Omwami,
khuupane?



Tawe,
leshe.



Lwa Yesu yabalekha baamubukula, abalondi
baabe batumaka mu etsimbeka tsioosi.

Yesu alayirwangwa khu omusaaliisi omukhongo, omwimiriri omukali wa abemiriri Abayahuti. Petero nende Yohana balonda ashinaho.



Petero yenjira mukari mwa elitemberi.



Si wabetsanga ninaaye ta?



Tawe! Si emumanyire ta.

Wubeere mulala waabo, yita?



Tawe! Si emumanyire ta!

Toto! Waberenje awenao! Wubeere Omukalilaya!



Si emanyire shia olasunganga ta.



Awene na awene etaywa yalakula.



Yesu nende Petero bakhwasiana etsimoni...



Rooba! Wina wukhupire?

Nibwakashia, Yesu waleerwa yimberi wa eshikhalo shia abemiriri Abayahuti. Omusaaliisi omukali areeba Yesu...

Ewe niwe Omwana wa Were?

Enywe ninywe mulasunganga. Yii, esie nisie.



Alachaayanga! Kenyekha afwe. Lakha abaroma bamukhalachire.



Yesu aleerwa khu kafuna wa Roma, Pilato. Abemiriri Abayahuti balasonianga bali nibalalenjeranga. Bawatsa amasitachi amanyinji...



Ewe olasunganga shiina khu amasitachi kano koosi? Obula shia okhukalusia?



Shiina shia okholire?

Esie netsa okhurusia obuloli bwa toto.





Bwa toto ni shiina?



Si enyoolire amakoso khu omundu wuno ta. Ni omwikhoyero kwa Elipasaka. Ndalekhuula wina, Parapasi nomba omwami wa Abayahuti?







Lenjera!
Omundu wuno!


Mubambe khu
omusalapa!

Mubambe khu
omusalapa!

Mubambe khu
omusalapa!




Pilato amukhalachira elifwa. Yesu
yali asite omusalapa nachenda
ninakwo mu Yerusalemu yoosi.





Abundu wa barumishiranga
okhubamba yali elwanyi wa
olukoba. Abundu wa balanga
bari Kolikota. Liechesia liri
abundu wa eshiong'ong'o...



Abasikari bakhoma Yesu
khu omusalapa.






Akulu wa omurwe kuukwe khu omusalapa bali banying'inyekho, YESU, OMWAMI WA ABAYAHUTI.



Yesu aloba etibai eyindulu ya okhutitiyisia obusaaliri.



Abasikaari bakhupa ekura khu etsingubo tsitsie.



Yii! Siyahonia abandi?



Kaaba bari wubeere Omwana wa Were, yikha okhurula khu omusalapa!

Ewe si onyala waria Were ta. Efwe khukhalachirwe shia khwenyekha nabutswa omundu wuno si akholire shiosi shiosi eshibi ta.

Yihonie ewe omwene, ne okhukhonie fwesi!



Wunzitsulire ni winjira mu obwami buubwo!



Ndakhusunjiranga bwa toto, bulaano olaba ninaasie mu Paratiso.

Musasaba eshiteere, eshirima shiatiira eshibala shioosi khu etsisaa tsitaru...



Maria maama wa Yesu, nende Yohana omwechi wuwe bali basinjire amusalapa.

Bulaano enywe ni maama nende omwana.



Were wanje, Were wanje, shichira shina ni wundekha?



Nibeere nende obuloo.



Paapa, ndaretsanga eroho yanje mu emikhono chiichio.



Kaweere.

Yesu afwa mu shienda eshiteere. Mulala wa abasikaari yahuna Yesu mu olubafu. Amatsi nende amabanga katsusukha.



Amang, ota kandi kasunga kari, “Yemirirwa khuli eshimeme shilatsitsanga okhusinzwa.”



Yanyakhaana shichira amakoso nende okhwirwa shichira obwoni bwefu.



Koo, Wuno niye mesia wenyesho okhwitsa nomba khulinde owundi?



Yitsa khutsia khusabe obwiyangu bwa okhumuyabira.



Yosefu wa okhurula Arimatea nende Nikotemo besia omubiri kwa Yesu okhurula khu omusalapa. Bakuboya mu eshitambaya ne bakuyabira mu eying'ani.



Elipasaka niliakhabura,
abakhasi balala batsia
shia eying'ani...



Shichira shina mulakhaabanga
omulamu mu abafu?
Wusumumushe. Tsie
musunjire abeechi baabe!



Elichina
likongomusiwe!





Lwa bawulira kano, Petero
nende Yohana batumaka
shia eying'ani...



Shina
shikholeshe?


Eying'ani
yibula
eshindu!





Eyindaalo yeneyo, abeechi babiri ba Yesu bali nibafwire omwoyo, bali balasungananga nende omundu khu elifwa lia Yesu...

Enywe si mwasubira ka abaroori basunga ta? mesia siyali anyakhaane kho yenjire mu obukhumi buubwe? Kanying'inywa khale mu amang'ota. Buli shindu mwenomo ni khuye.



Matindibikha nibalalitsanga waamiutuukha...

Nabutswa yali Yesu mwene!



Barula awene na awene okhukhaaba abalondi bandi ba Yesu.

Khumulolire Omwami!



Khandi Maria nende Petero bamulolire.



Mantindibikha...

Omulembe kube ninaanywe!



Si musubira muri ni esie ta? Lenjera emikhono nende ofulenje fwanje!




Omwami wanje khandi Were wanje!



Yesu aolekhanira abeechi baabe khu etsindaalo amakhumi kane. Yakanana nende abandu etsimiya tsiraano halala. Abeechi baabe bakalukha Kalilaya. Eyindaalo yindala lwa bali nibalalobanga khandi...





Petero, wayanyanza toto?




Yesu areeba Petero elirebo lino amakhabi kataru...



Yii Omwami, wamanya ori ndakhuyanza.

Linda ofumeme fwanje.



Nonda!

Ndayeresiwa obunyali bwoosi mwikulu nende mu eshibala. Tsie mu eshibala ne mulombe abandu ba amaraambo koosi okhuba abeechi. Bapatiise mu eliira lia Paapa nende Omwana nende Roho Omutakatifu. Bechitse okhukhola koosi ka emusunjiire.




Yitsulire, nibeere ninaanywe buli khase, buli eyindaalo, khuula lwa eshibala eshiya shiletsa!

Yesu niyakhasunga amakhuuba kano, arula mu eshibala ne abukulwa okhutsia mwikulu. Nabutswa wusunjire khandi ari aleetsa okhukhalachira abandu boosi mu eshibala...

Abalondi ba Yesu basikala okhusaala. Etsindaalo amakhumi karaano nitsiakhubura, mu eyindaalo ya Pendekote Roho Omutakatifu wekha khubo. Roho mulala wali mu Yesu amenya mubo nende mu balia balasuubira muye. Abalondi baabe babeere abaloli ba etsingulu. Abandu abanyinji balawuliranga okhulondekhana nende Yesu.

Abandu rechesia!
Elifwa silinyalire okhutiira Yesu ta. Were wamweresia obulamu khandi ne wamulomba okhuba Omwami. Yesu niye wa okhuranga okhubukulwa mu obukhumi bwa Were. Ne obukhumi bwenobwo bunyoolekha mwifwe!



Abalondi ba Yesu batsitsanga wosiwosi mu eshibala kakhaba ya obuyingasi obukali.

Yesu ni Omwana wa Were! Khunyala khwalombwa okhuba abaana ba Were fwesi!



Oburume buno bwosi bwalandwa okhuburira etsiparua...

Si endi nende etsisoni khu Elikhuuba Elilayi lino ta. Ni etsingulu tsia Were tsihonianga abandu. Kanying'inywa khale mu amang'ota. "Kaaba bari olasuubira, wubeere omulayi mu etsimoni tsia Were. Kho olamenya!"

Kho abalondi ba Yesu, buli abundu baakanana okhusaala halala nende okhusooma ebanjeli. Balitsanga omukaati nende okhusanga mu etibai okhwitsulira elifwa lia Yesu. Basanganga mu obuyanji bwa Were, buli mukari mwa emioyo chiabo nende abacheesa baabo.



Yesu yachira abandu
okhumenya halala mu
omulembe...



Yesu wakhuyanza!
Omusanditse ne
omwinamire!



Were wayanza eshibala muno
ne wahaana Omwana wuwe
omuterwa. Yesiyesi
wusuubira muye si alafwa ta,
nabutswa alaba nende
obulamu bwa eyinziayo.

WILLEM DE VINK

EBANJELI

Eyimbakha ya Yesu yanying'inywa mu Ebanjeli. Shibulaho eshitabu shindi shiasoomwa, khandi shilasoomwangwa mu obunyingi okhubura Ebanjeli. Shibeere eshitabu shili nende ofutabu. Yabukula emiyika 1500 okhunying'inya ofutabu funo fwoosi. Ebanjeli yamalwa khu emiyika 1900 chibura. Shibeere nende etsimbakha lukano khuli Were aolekhanga mu elimenya lia abandu. Eyimbakha ya Yesu yechesianga abulafu khuli Were ali.


ELIMENYA LIA YESU

Ebanjeli yibeere nende ofutabu funne fusunganga khu elimenya lia Yesu. Fwalangwa khu ameera ka abanying'inyi. Abanying'inyi bamenya mu eshikha shia Yesu.

1. Matayo - omulondi wa Yesu. Yali omusololi wa obushuuru. Asunga khuli Yesu yamenya nende abandu ba Isiraeli(Abayahuti).

2. Marko - yali omunyerere lwa Yesu yakhola emilimo chiichie. Yanying'inya malala khu amangayimwa ka Yesu yakhola.

3. Luka - Yali omusirishi. Siyali niyamanya Yesu ta. Asunga khuli Yesu yamenya nende abandu.




4. Yohana - yali omulondi wa Yesu. Yechesia khuli Yesu ali. Yesu ni Were, yetsa okhuba omundu okhulekhuula abandu okhurula mu obwoni.

ELIBULWA YA YESU

Maama wa Yesu siyali niyatekha lwa Yecheka eyinda ya okhunyoola omwana Yesu ta. Yali omuchima okhuula lwa Yesu yebulwa. Nilali Were yenza ari Yesu yebulwe. Amangayimwa kano kasungwa mu ofutabu fwanying'inywa khale eshikha shia Yesu nishishiri okhuula. Yesu siyayebulwa khuli omuhero ta. Yebulwa mu elitaala lia etsing'ombe shichira eshikoro si shialiwo ta.

AMAANGAYIMWA KA YESU

Yesu yakhola amaangayimwa amanyinji. Ebanjeli yisunga khu obuhonia bubura amakhumi kanne. Yesu yechesia etsingulu tsia Were nende obuyanzi khandi yenza okhukhonya abandu ne abalombe baabe nende obusangaali.



ELIFWA NENDE ELISUMUMUKHA LIA YESU



Shichira shina Yesu yafwa? Amakalusio kabeere mu Ebanjeli.

Abandu boosi bakholanga amakhuuba amabi mu ofukha fulala. Amakhuuba ka Were akhafuchiririsia ta khandi kamulombanga okhutunya nomba okhubereera. Amakhuuba kano ni obwoni. Obwoni buno bwoosi bunyala bwashinga abandu okhuba abalina ba Were.

Niko kachira Yesu wetsa. Mu okhwirusia khukhwe Yesu yanyoola eshinyaasio shia obwoni bwefu. Eshinyaasio shiene shiali eifwa. Shichira Yesu yakhufwira, khunyala khwaba abalina khandi nende Were. Nabutswa khwenyekha okhusaba obulesheri khu shia khwakhola eshibi.

Yesu yasumumukha okhurula mu abafu. Were yamulomba wamenya khandi. Okhurula mu kano Were yechesia ari wubeere nende etsingulu okhubura elifwa.

Bulaano Yesu alamenyanga nende Were. Ne shichira amenyanga, anyala okhuba omulina wefu. Alenyanga okhukhukhonya okhumenya mu eyinjira yilaleera obusangaali khu Were.

ELISAALA

Kaaba bari wubeere nende obulesheri khu amabi ka wakhola ne kaaba bari olenyanga okhuba omulina wa Were, onyala wasaala elisaala khuli lino:

“Were wa obuyanzi, wanyanza.

Wahaana Yesu, Omwana wuwo omuteerwa.

Yafwa khu omusalapa khulwa amabi koosi ka ndakhola.

Ndareebanga endi wumbeere khu ka ndakhola. Ndasabanga obulesheri.

Orio muno, shichira Yesu wubeere olubeka lwanje.

Ndenyanga embe wuwo buli khase.

Ndasaalanga endi wukhonye enyale okhumenya khuli olenyanga emenye.

Obe ninaasie buli khase

Orio muno okhukalusia amasaala kanje.

Ewe okholanga shia walaka.”

YESU NINAWE

Eyimbakha ya Yesu yibeere nende okhumalirikha khuli abulafu. Yesu yeetsa okhuba omulina wa abandu abanyinji eshikha shilia okhuula bulaano. Eshibala shiakalukhana. Abandu abanyinji sibachendanga okhurumishira etsisishiri nomba efarasi ta nabutswa bachendanga okhurumishira omutoka nende eyindeche. Nabutswa lino silileeranga lukano khu Yesu ta. Anyala okhuba ahambichiti ninaafwe khuli yali lwa yachendanga mu Isiraeli.

Anyala okhuba salolekha ta, nabutswa ni wa toto. Alenyanga okhuba omulina wuwo bulaano. Onyala wamurecheresia khandi onyala wamuyanxa.

Olenyanga okhumanya amanyinji okhulondakhana nende Yesu nende khu elimenya liilie? Kho onyala wakhola kano:

1. Chaaka okhusooma ebanjeli ewe omwene


(Khuli okhusooma eshitonye shianying'inywa nende Luka).

2. Chaaka okhusaala

(Okhulakaya nende Were ne okhumurecheresia - si wenya okhurumishira amakhuuba ka obukoosi ta).

3. Lakaya n ende abandu bandi okhulondakhana nende Yesu nende Ebanjelia.

Yesu alenyanga abalondi baabe okhwakanana halala nende okhutinyirisiana nibeeka amanyinji khuye.



Amareebo:

1. Yesu ngwowuno! (p.1-3)(Mat 3:1-17)

- Abandu bali nibebunjeresiye amuchera shichira shina?
- Yohana yasunjira abandu okhukhola shina mu okhwirechekha mu okhwitsa khwa Obwami bwa Were?

2. Eliiya likhalolekha ta (p.4-5)(Mat 4:1-12)

- Roho Omutakatifu yaruma Yesu hena niyakhamala okhupatiiswa?
- Yesu yakhola shina nali mu eshitiimi?
- Mu etsinjira tsileena tsia Shetani yacheritsa Yesu?
- Yesu yakalusia arena amacheritso ka Shetani?

3. Eshiserero mu Kana (p.6-7)(Yoh 2:1-11)

- Shichira shina Yesu yatsia Kana?
- Amangayimwa shina ka Yesu yakhola mu Kana?

4. Nonde! (p.8-9)(Mat 4:12-22)

- Shina shia Yesu yareeba Petero okhukhola? Shina shiakholekha lwa Petero yalonda?
- Yitsa munonde kho emulombe mube abalobi ba abandu. Onyala okhuleera abandu khu Kurisito oriena?

5. Anechitso khu ba etsikhabi nende babula etsikhabi (p.10-11)(Mat 5:1-16)

- Etsikhabi shina tsia balanyoola abandu bakhupisiwangwa eshibi nende okhulekwa khulwa Obwami bwa Were?
- Kenyekha khukhole shina nende abasuku beefu?

6. Okhuhoniwa! (p.12-13)(Luk 5:17-25, 6:6-11)

- Khunyala khwasooma shina mu abalina ba omundu omulwale?
- Sunga ofundu fubiri fwa obukhala fwa Yesu yakholera omundu omulwale?

7. Nende Yesu mu eliaro (p.14-15)(Mat 8:23-27)

- Eshibi shina shia abeechi banyoola nibali mu eliaro?
- Yesu yakhola shina kho warusiaho eshibi ne onyala wasooma shina okhulondakhana nende etsingulu tsia Yesu?

Amareebo:

8. Obulekhuule okhurulana nende etsingulu tsia Shetani (p.16-17)(Mar 5:1-20)

- Balola wina , lwa baambukha eyinjerekha wa omuchera? Yesu yamukholera shina?
- Shina shia Yesu yasunjira omundu wulia okhukhola?

9. Emiyinziri (p.18-19)(Mat 9:35-10:4)

- Hena wa Yesu yatsia okhusaala? Onyala wasooma shina okhurulana nende kano?

10. Yesu ahaana mu eshichero shituukhane (p.20-21)(Yoh 6:1_15)

- Yesu yakhola shina okhwechesia ari wubeere nende eshisa khu abandu?

11. Suubira nombata (p.22-24)(Mat 14 :22-33, Yoh 6:22-40, 60-6)

- Shichira shina Petero yachaaka okhwiyanika.
- Lwa Yesu yareeba abeechi kaaba bari boosi sibalatsia ta, bakalusia bari shina? Shina shia olasooma okhurulana nende kano?

12. Chinga omusalapa kuukwo! (p.25)(Mat 16:13-28)

- Lwa Yesu yareeba abeechi baabe bari niye wina, bakalusia bari shina?
- Yesu yasunga ari balia balamulonda balakhola shina?

13. Sanditsa (p.26-27)(Luk 17:11-19)

- Wina wesaala Yesu bari amuhonie?
- Were yenza efwe khukhole shina lwa akalusianga amasaala keefu?

14. Ba khuli omwana (p.28)(Luk 19:1-10, Mat 19:13-15)

- Shichira shina Abemiriri Abayahuti balomba abayinziri baabo okhulonda Yesu?

15. Yesu ahaana obulamu (p.29-30)(Yoh 11:17-44)

- Shina shia Yesu yechesia lwa yasunga ari niye elisumumukha nende obulamu?

16. Kenyekha afwe (p.31-31)(Yoh 11:45-54)

- Yesu yasumumusia wina?
- Abemiriri Abayahuti babiyana shichira ya Yesu nende abeechi baabe khulwa shina?

Amareebo:

17. Okhuheresia Yesu oluyali (p.32-32)(Yoh 12:1-11)

- Shina shia Yesu yasunga ari Maria alakholanga lwa yayombolanga amarashi khu ofulenje fufwe?

18. Omwami wetitiya (p.33-34)(Luk 19:29-44)

- Shichira shina Yesu yaniina khu esishiri ni atsia Yerusalemu?
- Eshihanwa shileena shia eshimeme shinyala shiarusiaho obwoni?

19. Elitakaso elikali (p.35-36)(Luk 19:45-45)

- Shichira shina Yesu yabiyana lwa yenjira mu elitembeli?

20. Okhutsaamwa (p.37-38)(Mat 26 :14-19)

- Wina wabukula amang'ondo ne watsaama Yesu?

21. Okhusingwa ofulenje (p.39-40)(Yoh 13:1-35)

- Omwikhoyero kwa Elipasaka kwechesia shina?
- Shina shia Yesu yechesia shina lwa yasunga ari wulia wuli omuyinziri alaba omukhongo?

22. Emeesa ya Omwami (p.41)(Mat 26:26-30, Yoh 13:34-38)

- Shina shia Yesu yechesia ni asunga ari kuno ni omubiri kwanje ne etibai yino ni amabanga kanje?
- Shina shia Yesu yasunga ari abeechi benyekha bakhole okhwechesia bari ni abeechi baabe ba toto?

23. Okhutiirwa (p.42-43)(Yoh 14:1-31, Mat 26:36-56)

- Shina shia Yesu yasunga ari Paapa wuwe alabaheresia?
- Shina shia Yesu yechesia lwa yasunga ari, “Nibeere eyinjira, toto nende obulamu?”

24. Elicheritso (p.44-45)(Mat 26:57-75)

- Ni wina wekaana okhumanya Yesu?
- Shina shia Omukurisito alakhola okhwikaana Yesu?

25. Elikhalaka lia Elifwa (p.46-47)(Mat 27:11-30, Yoh 18:28-40)

- Shichira shina Yesu yatiirwa?

Amareebo:

26. Khu omusalapa (p.48)(Yoh 19:1-18)

- Shina shia Yesu yareeba Paapa wuwe okhukhola khu balia bamubamba khu omusalapa?
- Shina shia khunyala khwasooma mu kano?

27. Okhutsaamwa (p.49)(Mat 27:3-10,Luk 23:32-34)

- Wina watsaama Yesu shichira ya amang'ondo?

28. Yesu afwa (p.50-51)(Luk 23:32-46, Mat 27:46-50,Yoh 19:25-30)

- Wuleena mu abeeffi ba Yesu yamulaka ari alaba mu paratiso ne shichira shina?

29. Okhwirusia khwa Yesu (p.52)(Yoh 19:31-42)

- Shina shia Yesu yasunga ni ashiri okhuhaana eliiba lilie?

30. Yesu amenya! (p.53-54)(Mar 16:1-9, Yoh 20:1-18)

- Lwa abakhasi batsia mu eshirindwa eyindaalo ya khataru, shina shia eyingeloosi yabasunjira?

31. Yesu ninafwe (p.55)(Luk 24:13-43, Yoh 20:19-29)

- Lwa Yesu yalolekhanira Maria, shina shia yamusunjira?

32. Kakhanyala “Esie mbere!” (p.56-57)(Yoh 21:1-19, Mat 28:16-20)

- Shina shia Yesu yasunjira Petero nende abeechi bandi okhukhola?

33. Abaloli (p.58)(Ofukholwa 2 :22-39)

- Lwa abeechi bebunjeresia nende okhusaala, shina shia banyoola okhurula khu Were?

34. Were wubeere ahambi (p.59)(Efes 1:1-15)

- Shina ni shechesio bari Were wayanza eshibala?

Translation by: Bible Translation and Literacy (E.A)

Translator: Mildred Mmasaba

P.O Box: 44456-00100, Nairobi, Kenya

Website: <https://www.btlkenya.org/>

Text and illustrations: Willem de Vink Copyright © 1993 Stichting Wereldtaal, Houten, The Netherlands. Published in Dutch as “Jezus Messias”.

Edition in Kabarasi (Kenya) © 2024

Digital copyright under the terms of the Creative Commons BY-SA license

All rights of translation, reproduction and adaptation reserved for all countries.

e-mail : jmpbk.app@gmail.com

<https://www.jesussmessiahcomicmedia.com/Kenya>

YESU MESIA Yino ni eyimbakha ya toto ya Yesu Mesia. Yamenya mu Isiraeli khu emiyika 2000 chiabura. Buli omundu waakanana ninaye yachenya. Abulaho wakholakho ka yakhola. Abulaho wasungakho ka yasunga. Amangayimwa katsirira okhukholekha wa Yesu yali. Ne yaleera obusangaali nende obuyanzi khu boosi bamurecheresia. Nilali matindibikha liamalirikha. Abasuku baabe bachira weerwa. Nabutswa siliali lia okhumalirikha ta.



*Olulomolomo: Olukabarasi
Language: Kabarasi (Kenya)
ISBN: 978-94-93178-68-7*